



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

18. Quænam insit in fabulis veritas?

urn:nbn:de:hbz:466:1-45686

quām Orcina arte factum videatur; neque circa porcum aliqua mutatio, sed in sola Aiacis imaginatione tunc facta est. At quando pro Simone Mago aries decollatus est, à Nerone atque aulicis omnibus visus est is Simonis schemate. Circumposuit illi igitur dæmon corpus aliquod, non organicum, sed mērē phantasticum, ut etiam eum fecisse, cùm generis nostri authori Adamo, & Reparatori Christo apparuit, docent S. Thomas & D. Bonaventura. Cuiusmodi corpora ex aëre cum..., S. Thom. 1 p. q. 51. art. 2. vel alia materia confidere posse diximus. Quamuis autem aér, S. Bonavent. ob raritatem suam, omni colore & figura careat, contractus in 2. d. 8. 2. 2. tamen, & condensatus varias formas & colores recipit: sicuti quæst. 2. cùm nubes in aëre montes, naues, equites, & instructas non-nunquam acies repræsentant. Illud quæri potest, quo modo, si talia non sunt vera animalium corpora, voces articulatas in ijs dæmones exprimant? An non enim oratione mentis sensa explicare soli homini à natura datum est? Respondeo, malignos spiritus, sicut non vera assumunt semper animalium corpora, ita neque veras voces edere. Cùm enim vox ab Aristotele definiatur, operatio animæ facta ex allisione aëris attracti ex pulmonibus, & per arteriam asperam expirati, dæmonesq; & anima destituti sint, & neque pulmones, neque arteriam habeant, neque corpori huiusmodi organis instructo assistant, non veras voces proferunt, sed veris similes, eo ferè modo, quo si tubicen artem suam bene callens, tubæ beneficio, humanis vocibus similes sonos exprimit; aut quo, per hydraulica opera vidimus audinimusque Salisburgi in nobilissimi celebratissimi horti æstiuo palatio omnis generis avium voces cantusque, ad viuum exprimi. Longè doctior artifex est diabolus, cuius ingenium longè accuratiū potest, quām vlli Dædali, voces & lingua animalium æquè ratione præditorum, ac destitutorum imitari.

Quæ ex fabulis proferuntur, uno verbo cadunt, si dicantur fabulosa. Et quidem quod ad Vlyssis & Diomedis socios, atque Luciani, Apuleiæ Asinum aureum attinet, vera an fabulosa sint, non immerito dubitat D. Augustinus, & Franciscus Victoria, Aureus doctor S. Chrysostomus Vlyssis co- S. Augustin. lib. 18 de ciuitate Dei Franc. mites 3

XVIII.

Victoria re-
lectione 12.

mites putat in suos transformatos esse à malefica Circe, quia
 in voluptatum sordibus, tanquam porci in cœno volutati, &
 suibus quasi similes, non natura, aut figura, sed vita & mo-
 ribus affecti erant. Apuleium verò Ludouicus Vives asinum
 factum scripsisse existimat, non quod hoc ei contigerit, sed
 ut ficto casu tam mirabili narratio legentum, vel audientium
 animos in admirationem raperet, lectioq; iucunditate maiori,
 ac lepore illorum mentes pasceret, qui Milesij fabulis dele-
 stantur. Neque verò necesse est, ut omnibus illis, qua alio-
 rum sermone, vel scriptis accepimus, fidem adhibeamus, cum
 ut iure miratur Plinius, eò Græca credulitas processerit, ut
 nullum tam impudens mendacium sit, quod teste careat.
 Quanquam sub multis fabularū inuolucris viri doctissimi mul-
 ta olim ad mores spectantia exprimere, & velut hieroglyphi-
 cè depingere voluerunt. Lycaonem in lupum conuersum scri-
 bit Ouidius? ob nominum id fecit affinitatem, λύκος enim
 Græcis lupū significat; itemq; ad feram regis crudelitatē, qua
 aduenas & hospites immanni scelere trucidavit, declarandam.
 Hecubam in canem mutatam esse perhibent? Nempe sic utra-
 bidi canes hominem mortibus venenatis inuadunt, lādunt, la-
 cerant, sic illa malorum pondere pressa, & oppressa, ac rei in-
 dignitate victa, victores Græcos conuiciorum & maledictorū
 aculeis momordit, proscidit, dilaniauit. Midæ aures in asini-
 nas abijisse aiunt? ita eius depravatū aurium iudicium & slo-
 lidæ præcordia mentis insinuant, qui Panis fistulam solus om-
 nibus dissentientibus cithara Apollinis, hoc est, iniqua æquis,
 & mala bonis solebat anteferre. Poëtae igitur, si vera car-
 minibus suis inseruerunt, de ijs mutationibus locuti sunt, quas
 nos suprà dæmonum arti concessimus; si autem fabulas exco-
 gitauerunt, sub umbris mores hominum describere voluerunt,
 quibus nihil contra nostram sententiam astrictur.

XXX.

Proclive autem est estimare, cur vel hanc potestatem
 monstra ex hominibus faciendi generis humani inimicis toti-
 es permitrat Deus. Nam in primis naturales illis vires suas re-
 liquit, ut etiam in damnatis apparerent beneficia, quibus eos
 ab initio cumulauit. Quantò plus acceperunt, tantò fuerunt
 ingra-